



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O REVIZIJI FINANSIJSKOG POSLOVANJA U 2009. GODINI **HRVATSKOG BLOKA BiH**

Broj: 03-07-6-306/10
Sarajevo, 22.02.2011. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije.....	5
Obim revizije.....	5
4. PRETHODNE REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka je izvršila reviziju finansijskog poslovanja Hrvatskog bloka BiH u 2009. godini.

Rukovodstvo stranke je odgovorno za vođenje poslovnih knjiga, finansijsko izvještavanje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Služba za reviziju se oslanjala na informacije i dokumentaciju iz ekstrenih izvora, obzirom da Hrvatski blok BiH revizorima nije predočio finansijsku dokumentaciju relevantnu za finansijsko poslovanje u 2009. godini.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom smo utvrdili da je Hrvatski blok BiH u izvještajnom periodu prekršio odredbe člana 11. stav (1) i stav (3) Zakona o finansiranju političkih stranaka. Politička stranka nije vodila poslovne knjige i Centralnoj izbornoj komisiji BiH, nije podnijela godišnji finansijski izvještaj u zakonom propisanom roku.

Prema našem mišljenju, osim navedenog, Hrvatski blok BiH u 2009. godini nije kršio ostale odredbe Zakona o finansiranju političkih stranaka.

1. UVOD

Služba za reviziju finansiranja političkih stranaka je izvršila reviziju finansijskog poslovanja Hrvatskog bloka BiH u 2009. godini.

Revizija je preduzeta u skladu sa članom 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), članom 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Hrvatski blok BiH u toku revizije nije predočio finansijski izvještaj niti drugu dokumentaciju na osnovu koje bi se moglo utvrditi da je ova politička stranka ostvarila prihod, što je iskazano u narednoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ukupni prihodi:	0,00	

Također, politička stranka nije predočila ni dokumentaciju koja bi ukazivala na to da je Hrvatski blok BiH u toku 2009. godine ostvario bilo kakve rashode.

2. PREDSTAVLJANJE POLITIČKE STRANKE

Naziv političke stranke: Hrvatski blok BiH. Skraćeni naziv je HB BiH.

Politička stranka je registrovana 18.10.2004. godine u Kantonalnom sudu u Mostaru, pod brojem 04-32.5-1.

Sjedište političke stranke je u Mostaru, Ante Starčevića bb.

Lice ovlašteno za zastupanje stranke je Mario Vasilj, predsjednik.

Lice ovlašteno za podnošenje finansijskih izvještaja za 2007. godinu je bio Blago Vukoja.

Stranka nije podnijela finansijske izvještaje za 2008. i 2009. godinu, niti je obavijestila Centralnu izbornu komisiju BiH o promjeni ovlaštene osobe.¹

¹ Politička stranka je obavezna da Centralnu izbornu komisiju BiH obavijesti o imenovanju ovlašćenog lica za podnošenje finansijskih izvještaja u roku od petnaest (15) dana od njegovog imenovanja i u slučaju bilo kakve promjene statusa tog lica dužna je u roku od petnaest (15) dana obavijestiti o toj promjeni.

Prema izjavi ovlaštene osobe, Hrvatski blok BiH nije imao organizacione dijelove nižeg nivoa (entitetske, kantonalne, opštinske).

3. OPIS REVIZIJE

Predmet revizije Služba za reviziju se oslanjala na informacije i dokumentaciju iz ekstrenih izvora, obzirom da Hrvatski blok BiH revizorima nije predočio finansijsku dokumentaciju relevantnu za finansijsko poslovanje u 2009. godini.

Cilj revizije je da revizoru omogući da izrazi mišljenje o tome da li je Hrvatski blok BiH u izvještajnom periodu postupao u skladu sa odredbama Zakona o finansiranju političkih stranaka.

Obim revizije obuhvata kontrolu finansijske dokumentacije i provođenje analitičkih procedura nad podacima, radi utvrđivanja usklađenosti revizijskih dokaza o poslovanju Hrvatskog bloka BiH sa odredbama Zakona o finansiranju političkih stranaka.

4. PRETHODNE REVIZIJE

Služba za reviziju je izvršila reviziju godišnjeg finansijskog izvještaja za 2006. godinu i izdala izvještaj o reviziji sa mišljenjem revizora, nalazima i preporukama da stranka treba da postupa u skladu sa odredbama člana 6., člana 11. stav (1), (2) i (3) Zakona o finansiranju političkih stranaka i člana 15. stav (1) Izbornog zakona BiH.

Služba za reviziju je izvršila pregled godišnjeg finansijskog izvještaja za 2007. godinu i izdala izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 11. stav (3) i (4) Zakona o finansiranju političkih stranaka.

5. NALAZI I PREPORUKE

5.1. NALAZI

Hrvatski blok BiH je prekršio odredbe člana 11. stav (1) i stav (3) Zakona o finansiranju političkih stranaka².

Stranka u 2009. godini nije vodila poslovne knjige i nije ispunila obavezu prema Centralnoj izbornoj komisiji BiH, odnosno nije podnijela godišnji finansijski izvještaj.

- U postupku revizije utvrđeno je da Hrvatski blok BiH u 2009. godini nije vodio poslovne knjige, nema uspostavljene evidencije o svojim prihodima i rashodima, kao ni evidencija o sredstvima i obavezama stranke.
- Finansijski izvještaj koji su sve političke stranke u skladu sa odredbama člana 11. stav (1) Zakona o finansiranju političkih stranaka obavezne dostaviti Centralnoj izbornoj komisiji BiH za svaku kalendarsku godinu i to do 31.03. naredne godine, Hrvatski blok BiH nije podnio.

² U skladu sa odredbama člana 11. stav (1) Zakona o finansiranju političkih stranaka, stranka je obavezna voditi evidencije o svojim prihodima i rashodima i da Centralnoj izbornoj komisiji BiH podnese finansijski izvještaj za svaku kalendarsku godinu.

U skladu sa odredbama člana 11. stav (3) istog zakona, stranka je obavezna podnositi finansijski izvještaj u formi koju odobri Centralna izborna komisija BiH. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06)

Iz razloga što nije vodio poslovne knjige, Hrvatski blok BiH je prekršio odredbe člana 11. stav (1) Zakona o finansiranju političkih stranaka, a obzirom da Centralnoj izbornoj komisiji BiH nije podnio godišnji finansijski izvještaj na način kako je to uređeno Pravilnikom o godišnjim finansijskim izvještajima političkih stranaka, prekršio je i odredbe člana 11. stav (3) navedenog Zakona.

U toku revizije, revizorima su od strane lica ovlaštenog za zastupanje stranke potpisane i predate dvije Izjave od 13.12.2010. godine, u kojima stoji da stranka nije imala nikavih prihoda i rashoda u toku 2009. godine, kao i da nije imala transakcioni račun koji nije prijavila Centralnoj izbornoj komisiji BiH. Prilikom obavljanja revizije, predsjednik stranke je izjavio da je na stranačkom saboru donesena odluka o gašenju stranke, međutim po pitanju brisanja stranke iz sudskog registra CIK BiH nije dostavljena Odluka stranke, kao ni rješenje suda o brisanju iz registra. Sa ovlaštenom osobom za podnošenje finansijskih izvještaja postignut je usmeni dogovor da u što kraćem roku dostavi CIK BiH sljedeću dokumentaciju: Potvrdu banke o gašenju transakcionog računa stranke, Odluku stranačkog Sabora o gašenju stranke kao i da naknadno dostavi popunjen godišnji finansijski izvještaj za 2009. godinu. Od gore traženih dokumenta Službi za reviziju finansiranja političkih stranaka CIK BiH, nije ništa dostavljeno do dana podnošenja izvještaja o obavljenoj reviziji.

Na bazi informacija iz ekstrenih izvora, Služba za reviziju nije utvrdila da je Hrvatski blok BiH u 2009. godini ostvario prihod, niti da je obavljao bilo kakve aktivnosti.

Služba za reviziju je sugerisala ovlaštenoj osobi da stranka dobrovoljno postupi u skladu sa članom 13. stav (3) Zakona o finansiranju političkih stranaka³, te da uspostavi knjigovodstvene evidencije i sačini godišnji finansijski izvještaj za 2009. godinu. Hrvatski blok BiH to nije učinio, niti je poduzeo bilo kakve aktivnosti da bi otklonio propuste u finansijskom izvještavanju u 2009. godini, kojim je prekršio odredbe Zakona o finansiranju političkih stranaka.

Napomena:

Do momenta podnošenja izvještaja o reviziji finansijskog poslovanja Hrvatskog bloka BiH u 2009. godini, Centralna izborna komisija BiH nije obaviještena od strane Kantonalnog suda u Mostaru da je stranka brisana iz sudskog registra.

5.2. PREPORUKE

Preporučuje se Hrvatskom bloku BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da u skladu sa odredbama člana 11. stav (1) Zakona o finansiranju političkih stranaka, uspostavi evidencije o svojim prihodima i rashodima,*
- *da finansijske izvještaje podnosi Centralnoj izbornoj komisiji BiH za svaku kalendarsku godinu i*
- *da finansijske izvještaje podnosi u skladu sa odredbama člana 11. stav (3) Zakona o finansiranju političkih stranaka, odnosno u zakonom propisanom roku i u formi propisanoj Pravilnikom o godišnjim finansijskim izvještajima političkih stranaka.*

³ U skladu sa odredbama člana 13. stav (3) Zakona o finansiranju političkih stranaka, Centralna izborna komisija BiH će prije izricanja kazne ili poduzimanja administrativne mjere nastojati da postigne da politička stranka za koju je ustanovljeno da je prekršila odredbe ovog zakona, dobrovoljno otkloni uočene nedostatke, ako su oni otklonjivi.

Komentar

Hrvatski blok BiH nije dao primjedbe na nalaze revizije i mišljenje revizora dato u preliminarnom izvještaju o reviziji finansijskog poslovanja u 2009. godini.

Mr. Hasida Gušić, Šef Službe za reviziju, revizor

Nevenko Andan, revizor

Amela Batuša, pomoćnik revizora